

則必劇直則必肆光則必耀如伯夷叔齊尾生申徒狄之徒而遂至於害性傷生亦可悲矣老子時爲柱下史非不方也廉也直也光也而人莫知其爲老子者不割不劇不肆不耀焉爾故能樂其全

程大昌曰廉者物之稜也陛廉之廉是也旣曰廉則遂有芒角鋒刃矣

治人事天章第五十九

治人事天莫如嗇夫惟嗇是以早復早復謂之重積德重積德則無不克無不克則莫知其極莫知其極可以有國有國之母可以長久

道藏輯要

道德真經
彭鶴林集註

享

心集七
川口三

御註曰聰明智識天也動靜思慮人也適動靜之節省思慮之累所以治人不極聰明之力不盡智識之任所以事天此之謂嗇

涑水司馬光曰嗇者省嗇精神也早復者不遠復也不遠而復不離於德可以修身

頴濱蘇轍曰凡物方則割廉則劇直則肆光則耀唯聖人方而不割廉而不劇直而不肆光而不耀此所謂嗇也夫嗇者有而不用者也世患無以服人苟誠有而能嗇雖未嘗與物較而物知其非不能也則其服之早矣物旣已服歛藏其用至於沒身而終不試則德重積矣德積旣厚雖天下之剛強

無不能克則物莫測其量矣如此而後可以有國彼小人有
尺寸之柄而輕用之一試不服而天下測知其深淺而爭犯
之雖欲保其國家而不可得也吾是以知嗇之可以有國則
有國之母也

臨川王安石曰夫人莫不有視聽思目之能視耳之能聽心
之能思皆天也然視而使之明聽而使之聰思而使之正皆
人亦然形不可太勞精不可太用太勞則竭太用則瘦唯能
嗇之而不使至於太勞太用則能盡性盡性則至於命早復
者復於命也

王雱曰治人在乎正己事天在乎盡性惟此兩者一於嗇而

道藏輯要

道德真經
彭鶴林集註

三

心集七
八〇八

己動極而靜則其復晚矣惟嗇者不侈於費己其去本也未
嘗遠故復靜爲早德不外耗則積於內矣積於內而資納無
窮則其爲積也積之又積也盡性之人蓋將生天生地宰制
造化其於事物何所不能盡性則大矣大而化之則聖矣化
則無窮故莫知其極

陸佃曰嗇者愛養之辭韓非所謂愛其精神嗇其知識是也
蓋嗇精養神然後可以俯治人而仰事天故曰治人事天莫
如嗇

達真子曰嗇於一心則必斂動而歸靜嗇於一性則必斂意
而歸無心斂動於靜然後能盡心性斂意於無然後能正性

盡其心正其性者人道之盡也人道盡則固可以治人矣心
靜則任其自然性正則安其固有任自然安固有者天道之
盡也天道盡則固可以事天矣是以治人事天莫如嗇惟心
早復於靜意早復於性則所謂重其積德也能內重其積德
以至治人則人無不順以至事天則天無不符以至應萬物
則萬物莫不歸以至率萬化則萬化莫不盡是謂重積德則
無不克母也者為眾子之莫不從以眾動而歸靜以眾有而
歸無固不異子之從母也惟眾動而歸靜則靜之者無終窮
眾有而歸無則無之者無極盡故曰有國之母可以長久

晦菴朱熹曰早復者言能嗇則不遠而復重積德者言先已

道藏輯要

道德真經
彭鶴林集註

重

心集七
X81

有所積復養以嗇是又加積之也如修養者此身未有損失
而又加以嗇養是謂早復而重積若待其已損而後養則養
之方足以補其所損不得謂之重積矣所以貴早復者早覺
未損而嗇之也

黃茂材曰嗇者守於內不耗於外以之治人而人治事天而
天應謂之早復復者物之初今之道家所謂返本還元是已
可以成德可以勝羣物可以同於無極可以為有國之母
林東曰嗇雖有慳吝意乃簡損之理人為難治天為難事能
於簡損而早復其德性之真則可以見道既見夫道則人雖
姦詐天雖難測理不難見治之事之皆基於此

是謂深根固柢長生久視之道

御註曰根深則柢固性復則形全與天地爲常故能長生與日月參光故能久視人與物化而我獨存此之謂道

碧虛子陳景元曰杜光庭曰修道之士嗇神以安體積氣以全和內固三關而祛萬慮百神率服眾行周圓變化莫窮享年長久固蒂於混元之域深根於無何有之鄉與夫九老七元差肩接武矣古本作柢本也

潁濱蘇轍曰孟子曰盡其心養其性所以事天也以嗇治人則可以有國者是也以嗇事天則深根固蒂者是也古之聖人保其性命之常不以外耗內則根深而不可拔蒂固而不

道藏輯要

道德真經
彭鶴林集註

重

心集七
川口

可脫雖以長生久視可也蓋治人事天雖有內外之異而莫若嗇則一也

陸佃曰根在幽蒂在顯根則以言其命蒂則以言其性萬物莫足以測之之謂深惟命爲能與於此故曰深根萬物莫足以傾之之謂固惟性爲能與於此故曰固蒂

黃茂材曰深根固柢長生久視之道於是乎在經云歸根曰靜靜曰復命其道見於易之復卦

治大國章第六十

治大國若烹小鮮

御註曰事大眾而數搖之則少成功藏大器而數徙之則多